



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

| Eksperti Shqyrtues | Data e autorizimit të ekspertit | Date e dorëzimit të raportit | Nr. i lëndës |
|-----------------------|---------------------------------|------------------------------|------------------|
| ismail rushiti | 22.06.2023 | 30.06.2023 | 2023/0416 |

BAZA LIGJORE E SHQYRTIMIT

Me datën: 19.06.2023, OE “N.N.SH. " Vizion Project ""- Prishtinë, ka parashtruar ankesë me nr: 2023/0416, kundër njoftimit për dhënie të kontratës , lidhur me aktivitetin e prokurimit: “Hartimi i projektit per Galerine e Ministrise se Kulture, Rinise dhe Sportit - Prishtine” me nr. të prokurimit: "207-23-2085-2-2-1", iniciuar nga Autoriteti Kontraktues (AK) – MINISTRIA E KULTURES RS DHE ÇJK.Autoriteti kontraktues ka zbatuar procedurë të hapur, lloji i kontratës: shërbim, vlera e parashikuar e kontratës: 50,000.00 €. më Nr. 2023/0416 i dt:19.06.2023.

Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

- Neni 1 Qëllimi;
- Neni 7 Barazia në Trajtim/ Jo- Diskriminimi;
- Neni 59 Ekzaminimi, Vlerësimi dhe Krahassimi i Tenderëve;
- Neni 69 Aftësia Teknike dhe/ose Profesionale;

Autoriteti Kontraktues MKRS ka bërë shkelje të dispozitave ligjore të Ligjit për Prokurim Publik për arsye se ne si OE pjesëmarrës në këtë aktivitet prokurimi i kemi përmbushur të gjitha kërkesat dhe kriteret e Dosjes së Tenderit, duke përfshirë edhe kërkesën për inxhinier të diplomuar të Arkitekturës, të specializuar në konservim dhe restaurim të trashëgimisë arkitekturore. Argumentet që dëshmojnë se ne jemi OE i përgjegjshëm janë këto:

1. Për inxhinierin e Diplomuar të Arkitekturës, z.Shkëlqim Osmani, si pjesë e stafit tonë në këtë aktivitet prokurimi janë prezentuar të gjitha dëshmitë e kërkuaradokumentarëtëDosjësTenderit, me sa vijon:

- kontrata e punës (e mbështetur me një Aneks Kontratë për angazhim konkret në Procedurën e Prokurimit

“Hartimi i projektit për Galerinë e Ministrisë së Kulturës, Rinisë dhe Sportit – Prishtinë, me numër prokurimi 207-23-2085-2-2-1.

- Diploma e noterizuar

- CV e nënshkruar nga i angazhuari

- Përvojë e punës – të ketë përvojë pune tre vjeçare në fushën e projektimit në objekte kulturore, pas përfundimit të studimeve themelore dhe të ketë së paku një referecnë në fushën e projektimit në objekte kulturore. Përvoja duhet të mbështetet edhe me Letër reference të lëshuar nga secila kompani apo insitucion lidhurme angazhimin.

Prandaj, pretendimi që z.Shkëlqim Osmani i mungon specializimi për konservim dhe restaurim të trashëgimisë kulturore nuk qëndron për arsye se askund tek Dëshmitë e kërkuara dokumentare (neni 9.1 & 9.2 i FDT-së) nuk kërkohej asnjë dokument, çertifikatë apo dëshmi e specializimit në konservim dhe restaurim të trashëgimisë kulturore, por kërkohej vetëm diplomë e noterizuar, gjë që është prezentuar nga ne si OE pjesëmarrës. Për më tepër, nga dëshmitë e kërkuara dokumentare sipas kërkesave të FDT-së për z.Shkëlqim Osmani përveç kontratës, aneks-kontratës dhe diplomës së noterizuar si Inxhinier i Arkitekturës janë prezentuar edhe referenca të përvojës në fushën e konservimit dhe restaurimit të trashëgimisë arkitekturore, të lëshuara nga institucioni i specializuar për konservim dhe restaurim të trashëgimisë kulturore – Cultural Heritage Without Borders - CHWB për projekte të kësaj natyre të kryera nga z.Shkëlqim Osmani që nga viti 2006 e në vazhdimësi të cilat dëshmojnë shumë mire përvojën dhe specializimin e tij në konservim dhe restaurim. Po ashtu janë prezentuar edhe referenca në fushën e projektimit në objekte kulturore, ashtu siç është kërkuar në FDT.

Sa i përket pretendimit tjetër të AK ku thuhet:

Tek kriteri – Caktimi i Menaxherit të kontratës, - Dëshmia: Vendimi për caktimin e menaxherit të kontratës, i cili duhet të jetë njëri nga arkitektet e paraqitur të lista e stafit profesional. Vendimi duhet të përmbajë të dhënat bazike mbi procedurën aplikuese (Emri i Autoritetit, Emërtimin e procedures dhe numrin e prokurimit). OE nuk ka prezantuar nje vendim të caktimit të projekt menaxherit te kontratës.

Dëshmia lidhur me këtë pretendim të AK:

Ne kemi dorëzuar Vendimin e Menaxherit të Projektit duke specifikuar emrin e AK, Titullin e Kontratës si dhe Numrin e Prokurimit dhe Numrin e Brendshëm. Ne këtë Vendim ne kemi emruar z.Shkëlqim Osmani si Menaxher të Projektit i cili është Inxhinier i Arkitekturës me përvojë 16 vjeçare.

Bashkangjitur keni dhe deshmin e Vendimit për caktimin e Menaxheri të Projektit

Bazuar në argumentet e lartpërmendura në këtë Ankesë, mund të konstatojmë se me Njoftimin për vendimin e Autoritetit Kontraktues, përkatësisht me Letrën për tenderuesin e eliminuar që i është dërguar OE NNSH VIZION PROJECT, Ministria e Kulturës, Rinisë dhe Sporteve ka shkelur këto dispozita të Ligjit për Prokurim Publik:

- Neni 1 Qëllimi;
- Neni 7 Barazia në Trajtim/ Jo- Diskriminimi;
- Neni 59 Ekzaminimi, Vlerësimi dhe Krahësimi i Tenderëve;
- Neni 69 Aftësia Teknike dhe/ose Profesionale;

V E N D I M

APROVOHET, ankesa e OE "N.N.SH" Vizion Project si e bazuar

ANULOHET, njoftimi mbi vendimin B58 dhe lënda kthehet në RIVLERËSIM,

DETYROHET autoriteti kontraktues që gjatë rivlerësimit, ekzaminimi, vlerësimi dhe krahasimi i ofertave të bëhet në harmoni me kërkesat e dosjes së tenderit, njoftimit për kontratë dhe konform dispozitave të LPP-së.

Nëse nuk merren parasysh faktet tona, ne jemi të detyruar të vazhdojmë procedurën ligjore në institucionet tjera kompetente.

KRITERET PËR VLERËSIM

Tenderi i përgjegjshëm me **Çmimin më të ulët**

RAPORTI I KOMISIONI VLERËSUES

Raporti i ekspertit shqyrtues, lidhur me ankesën e parashtruar nga OE "N.N.SH. " Vizion Project "", lidhur me aktivitetin e prokurimit "Hartimi i projektit për Galerinë e Ministrisë së Kulturës, Rinisë dhe Sportit - Prishtinë" me numër të prokurimit: "207-23-2085-2-2-1, të iniciuar nga Autoriteti Kontraktues (AK) – MINISTRIA E KULTURES RS DHE ÇJK

IDENTIFIKIMI I TENDERUESVE TË REKOMANDUAR PËR DHËNIE TË KONTRATËS

| Nr: | Grupi: |
|-----|---|
| 1 | Hartimi i projektit për Galerinë e Ministrisë së Kulturës, Rinisë dhe Sportit - Prishtinë |
| | Emri i tenderuesit të suksesshëm |
| | Kodi postar |
| | Adresa |
| | "GM Architecture " SH.P.K., 810061466 |
| | 10000 |
| | Rr. Isa Kastrati Obj.49-K4 Nr. 41 |

DEKLARATË

Komisioni për Rivlerësim të ofertave për procedurën i emëruar nga zv. Sekretari i Përgjithshëm me numër 593/2023 i datës 03.05.2023 me numër të protokollit 2280/2023 me datë 08.05.2023, pas rivlerësimit të ofertave në bazë të kriterëve të përcaktuar në Dosjen e Tenderit rekomandon për shpërbllim me kontratë Operatorin e Ekonomik "GM Architecture" SH.P.K. me vlerë financiare 39,000.00€, si operator i suksesshëm duke i plotësuar të gjitha kriteret e përcaktuara në Dosjen e Tenderit.

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

N/A

VLERËSIMI SIPAS NENIT 4.1.26 TË LPP

OE ankues është palë me interes material sipas nenit 4.1.26 të LPP-së.

VENDIMET E MËPARSHME TË OSHP LIDHUR ME RASTET E NGJASHME

N/A

ARSYETIMI PËR DEVIJIM NGA PRAKTIKA E MËPARSHME

N/A

PËRGJIGJE NË PRETENDIMET ANKIMORE TË OE ANKUES - N.N.SH. " Vizion Project "

Sqarim hyrës:Autoriteti Kontraktues MINISTRIA E KULTURES RS DHE ÇJK, ka

zhvilluar aktivitetin e prokurimit me titull: "Hartimi i projektit për Galerinë e Ministrisë së Kulturës, Rinisë dhe Sportit - Prishtinë", me numër të prokurimit: 207-23-2085-2-2-1, procedurë e hapur, lloji i kontratës: shërbime, vlera e parashikuar e kontratës: 50,000.00 €.

Autoriteti Kontraktues ka publikuar Njoftimin për Kontratë me datën 14.03.2023, Ndërsa me datë 20.03.2023 ka publikuar Formulari standard (B54) për korrigjimin e njoftimit.

AK me datë 18.04.2023 ka nxjerrë Njoftimin mbi Vendimin e AK-së, ndërsa me datë 20.04.2023, OE -N.N.SH. Vizion Project, ka paraqitur kërkesë për rishqyrtim pranë AK-së, kunder vendimit të AK-se.

Me datë 24.04.2023, AK ka nxjerrë Njoftimin mbi Vendimin e AK-së, duke aprovuar si pjesërisht të bazuar kërkesën për rishqyrtim të OE ankues OE -N.N.SH. Vizion Project, duke kthyer lëndën në ri-vlerësim.

Pas ri-vlerësimit, me date 02.06.2023, AK ka nxjerrë Njoftimin mbi Vendimin e AK-së, ndërsa OE -N.N.SH. Vizion Project, me date 07.06.2023 përsëri ka bërë Kërkesë për Rishqyrtim dhe me date 08.06.2023 AK ka nxjerrë vendim për refuzimin e kërkesës për rishqyrtim, rrjedhimisht kundër këtij Vendimi të AK-së, me datë 19.06.2023 OE -N.N.SH. Vizion Project, ka parashtruar ankesë pranë OSHP-së.

Eksperti shqyrtues i prokurimit, sipas autorizimit 2023/0416, dhe në pajtim me nenin 114 të LPP-së, i ka shqyrtuar pretendimet ankimore të OE ankues dhe për të njëjtat i ka këto të gjetura dhe konstatime:

Përgjigje pretendimit ankimor të OE ankues:

Lidhur me pretendimin ankimor të OE ankues, ku thuhet se, "Autoriteti Kontraktues MKRS ka bërë shkelje të dispozitave ligjore të Ligjit për Prokurim Publik për arsye se ne si OE pjesëmarrës në këtë aktivitet prokurimi i kemi përmbushur të gjitha kërkesat dhe kriteret e Dosjes së Tenderit, duke përfshirë edhe kërkesën për inxhinier të diplomuar të Arkitekturës, të specializuar në konservim dhe restaurim të trashëgimisë arkitekturore..."

Eksperti Shqyrtues ka shqyrtuar këtë pretendim ankimor, dhe pas shqyrtimit dhe analizimit të dokumentacionit në platformën e-prokurimit, përkatësisht pretendimit të OE ankues, sqaron si në vijim:

AK gjatë hartimit të dosjes së tenderit dhe njoftimit për kontratë, përkatësisht tek **Kërkesat mbi**

mundësitë teknike dhe/ose profesionaleneni 9.1 & 9.2, ka përcaktuar si në vijim:

Kërkesat mbi mundësitë teknike dhe/ose profesionale :

"Kërkesa: 1. Inxhinier i Diplomuar i Arkitekturës (Lejohet edhe me Master) – I specializuar për konservimin dhe restaurim të trashëgimisë arkitekturore;

Dëshmitë 1. Kontratë e punës (e mbështetur edhe me një Aneks Kontratë për angazhim

konkret në Procedurën e Prokurimit Hartimi i projektit për Galerinë e Ministrisë së Kulturës, Rinisë dhe Sportit - Prishtinë me numër të prokurimit 207-23-2085-2-2-1. 2. Diploma e noterizuar 3. CV – e nënshkruar nga i angazhuari 4. Përvoja e punës të ketë përvojë pune tre vjeçare në fushën e projektimit në objekte kulturore, pas përfundimit të studimeve themelore, dhe të ketë së paku një reference fushën e projektimit në objekte kulturore. Përvoja duhet të mbështet edhe me Letër reference të lëshuar nga secila kompani apo institucion lidhur me angazhimin".

Eksperti Shqyrtues, duke u bazuar në kërkesën e vendosur nga Autoriteti Kontraktues në dosjen e tenderit dhe në njoftim për kontratë, konkretisht te **Kërkesat mbi mundësitë teknike dhe/ose profesionaleneni 9.1 & 9.2**, si dhe duke marrë parasysh dëshmitë e prezantuara nga OE ankues, për inxhinierin e Diplomuar të Arkitekturës, z.Shkëlqim Osmani, Eksperti shqyrtues konsideron se, dëshmitë e ofruara nga OE ankues nuk e përmbushin kërkesën e lartë cekur të dosjes së tenderit. **Rrjedhimisht pretendimi i OE ankues në këtë pikë është i pa bazuar.**

Dëshmitë dhe referencat e prezantuara nga OE ankues, për z.Shkëlqim Osmani nuk janë të mjaftueshme, për faktin se, kërkesë e dosjes së tenderit ka qenë "Inxhinier i Diplomuar i Arkitekturës (Lejohet edhe me Master) – I specializuar për konservimin dhe restaurim të trashëgimisë arkitekturore". Andaj, sipas dëshmive të paraqitura nga OE ankues, nuk mohohet fakti që z.Shkëlqim Osmani ka përvojë dhe ka kryer aktivitete të tilla në fushën e konservimit dhe restaurimit të trashëgimisë arkitekturore, por meqenëse në kërkesën e lartë cituar, AK ka kërkuar "Inxhinier i Diplomuar i Arkitekturës (Lejohet edhe me Master) –I specializuar për konservimin dhe restaurim të trashëgimisë arkitekturore", pra përveç referencave ku tregohet natyra e aktiviteteve, nuk ka prezantuar edhe dokumente tjera që tregojnë specializimin specifik për konservimin dhe restaurim të trashëgimisë arkitekturore.

Andaj, konsideroj se në rastin konkret, kur përcaktohet si term në dosjen e tenderit "**i specializuar**", nënkuptohet që të ketë njohuri dhe ekspertizë të veçantë e specifike në fushën përkatëse. Kështu që, si dëshmi e aftësisë në rastin konkret mund të dëshmohet me diplomë, certifikatë apo licencë për specializimin përkatës.

Përgjigje pretendimit ankimor të OE ankues:

Lidhur me këtë pretendim ankimor, "Caktimi i Menaxherit të kontratës, - Dëshmia: Vendimi për caktimin e menaxherit të kontratës, i cili duhet të jetë njëri nga arkitektet e paraqitur të lista e stafit profesional. Vendimi duhet të përmbajë të dhënat bazike mbi procedurën aplikuese (Emri i Autoritetit, Emërtimin e procedures dhe numrin e prokurimit). OE nuk ka prezantuar një vendim të caktimit të projekt menaxherit te kontratës.

Ne kemi dorzuar Vendimin e Menaxherit të Projektit duke specifikuar emrin e AK, Titullin e Kontratës si dhe Numrin e Prokurimit dhe Numrin e Brendshëm. Ne këtë Vendim ne kemi emruar z.Shkëlqim Osmani si Menaxher të Projektit i cili është Inxhinier i Arkitekturës me përvojë 16 vjeçare".

Eksperti Shqyrtuese ka shqyrtuar këtë pretendim ankimor, dhe pas shqyrtimit dhe analizimit të dokumentacionit në platformën e-prokurimit, përkatësisht pretendimit të OE ankues, sqaron si në vijim:

AK gjatë hartimit të dosjes së tenderit dhe njoftimit për kontratë, përkatësisht tek **Kërkesat mbi**

mundësitë teknike dhe/ose profesionaleneni 9.1 & 9.2, ka përcaktuar si në vijim:

Kërkesat mbi mundësitë teknike dhe/ose profesionale :

"Kërkesa:6. Caktimi i Menaxherit të kontratës;

Dëshmitë 1. Dëshmia Vendimi për përcaktimin e menaxherit të kontratës, i cili duhet njëri nga arkitektet e parqitur të lista e stafit profesional. Vendimi duhet të përmbajë të dhënat bazike mbi procedurën aplikuese (Emrin e Autoritetit, Emërtimin e procedures dhe numrin e prokurimit)".

Eksperti Shqyrtues, duke u bazuar në kërkesën e vendosur nga Autoriteti Kontraktues në dosjen e tenderit dhe në njoftim për kontratë, konkretisht te **Kërkesat mbi mundësitë teknike dhe/ose profesionaleneni 9.1 & 9.2**, si dhe duke u bazuar në dëshmitë e prezantuar nga OE ankues, lidhur me caktimin e Menaxherit të Projektit , Eksperti shqyrtues konsideron se, dokumenti I prezantuar nga OE ankues i përmbanë të dhënat bazike mbi procedurën aplikuese (Emrin e Autoritetit, Emërtimin e procedures dhe numrin e prokurimit), sipas kërkesës në dosjen e tenderit. **Rrjedhimisht pretendimi i OE ankues në këtë pikë është i bazuar.**

Provë:



DATA: 05.04.2023
VENDE: PRISHTINË

DEKLARATA E MENAXHERIT TË PROJEKTIT

Kompania N.N.SH "VIZION PROJECT" nga Prishtina cakton z.Shkelqim Osmani me profesion Inxhinier i Diplomuar i Arkitekturës i Specializuar në Konzervim dhe Restaurim në pozitën e Menaxherit të Kontratës

Autoriteti Kontraktues: MINISTRIA E KULTURËS, RINISË DHE SPORTIT

Titulli: Hartimi i projektit për Galerinë e Ministrisë së Kulturës, Rinisë dhe Sportit - Prishtinë

Numri i Prokurimit: 207-23-2085-2-2-1
Numri i Brendshëm: 207-23-006-2-2-1

z.Shkelqim Osmani me përvojë pune 16 vjeçare me titull Inxhinier i Diplomuar i Arkitekturës i Specializuar në Konzervim dhe Restaurim ka qenë menaxher i projekteve të ndryshme që ka bërë kompania N.N.SH "VIZION PROJECT" të cilat i ka përfunduar me afat të parapar sipas autoritetit kontraktues.

N.N.SH "VIZION PROJECT"



Inxhinier i Diplomuar i Arkitekturës
Shkelqim OSMANI

Rr.B Hyrja C15/13 Nr.3 & 4 Tel: +383 (0) 45 222 888, +383 (0) 44 261 361
vizionproject@yahoo.com, www.vizionproject.com, Prishtinë

Eksperti shqyrtues konsideron se, Dosja e Tenderit është dokumenti kryesor mbi bazën e të cilës ofertuesi përgatitë ofertën e tij, prandaj edhe oferta vlerësohet nga AK në bazë të kërkesave, kushteve dhe kriterëve të përcaktuara në Dosjen e Tenderit dhe në njoftim për kontratë.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues refuzohet si e pabazuar dhe të mbetet në fuqi vendimi i AK.

Raporti i ekspertit shqyrtues, lidhur me ankesën e parashtruar nga OE "N.N.SH. " Vizion Project '", lidhur me aktivitetin e prokurimit "Hartimi i projektit për Galerinë e Ministrisë së Kulturës, Rinisë dhe Sportit - Prishtinë" me numër të prokurimit: "207-23-2085-2-2-1, të iniciuar nga Autoriteti Kontraktues (AK) – MINISTRIA E KULTURES RS DHE ÇJK

Raporti i ekspertizës ti dorëzohet:

- Autoritetit Kontraktues – **MINISTRIA E KULTURES RS DHE ÇJK**
- Panelit Shqyrtues – **OSHP**
- OE ankues – **N.N.SH. " Vizion Project "**

ismail rushiti

